

Forskrift for slamhandtering i Hareid og Ulstein

Dato:	1. desember 2016
Publisert:	2. desember 2016
Gjeld frå:	1. januar 2017
Gjeld for:	Hareid kommune og Ulstein kommune
Heimel:	LOV-1981-03-13-6 - §26, §27, §30, §31, §33, §34, §79, §83, §85

Kapitteloversikt:

DEL 1. Innleiande reglar

DEL 2 Generelle reglar om slam

DEL 3 Avsluttande reglar og gebyr

Del 1. Innleiande reglar

§1. (formål)

Forskrifta har som formål å sikre miljømessig, økonomisk og helsemessig forsvarleg tømning av alle private slamavskiljarar, fellesanlegg og tette anlegg i kommunane. Forskrifta har vidare som siktemål ei likebehandling av abonnentane i dei kommunane som er medeigarar i Søre Sunnmøre Reinhaldsverk IKS (SSR). Forskrifta regulerer korleis SSR på vegne av medlemskommunane skal oppfylle krava til handtering av slam etter forureiningslova.

§2. (virkeområde)

Forskrifta omfattar handtering av slam frå private slamavskiljarar, fellesanlegg og tette tanker i eigarkommunane. Fettutskiljarar, oljeutskiljarar, ute-do og bio-do eller liknande, blir ikkje omfatta av denne forskrifta.

§3. (definisjonar)

Abbonent: Eigar eller festar av eigeidom med slamanlegg, eller brukar av private fellesanlegg, som er omfatta av slamordninga.

Slam: Ved tømning av slamanlegg blir innhaldet sugd opp og separert. Det faste stoffet blir kalla slam, medan den flytande delen blir kalla rejeaktvatn.

Slamanlegg: Private oppsamlings- eller behandlingsanlegg og fellesanlegg for sanitært avløpsvatn som produserer slam. T.d. slamavskiljar, tett tank, minirensanlegg, fellestankar, etc. eller ein kombinasjon av dette. Kommunale fellestankar og reinseanlegg som produserer silslam er ikkje omfatta av denne forskrifta.

Del 2. Generelle reglar om slam

§4 (tømning av slamanlegg)

SSR (entreprenør utførar) skal sørge for tømning av slamanlegg som er omfatta av denne forskrifta.

Slamanlegget skal tømast fullstendig. Ordninga skal utførast ved hjelp av ei mobil slamavvatningseining, eventuelt slamsugebil eller slamsugeutstyr for traktor. Tøminga forutset at rejeaktvatn blir tilbakeført til slamavskiljarar og fjerna frå tette anlegg.

§5 (anleggets utforming, adkomst og vegstandard)

Abonnementen skal sørge for fri adkomst til slamanlegget ved tøming. Eventuelle låseanordninger og avstengninger etc. av slamanlegget skal avtalast med og godkjennast av kommunen. Slamanlegget skal plasserast så nær veg som mogleg. Veg til slamanlegget må uansett årstid vere av ein slik standard at den gir tilfredstillande framkomst og har eventuell snuplass for avvatningsbilen. Når tømmeruter blir sett opp, skal det takast mest mogleg omsyn til årstid for å sikre at tilgangen til anlegget er best mogleg. Utover dette har ikkje SSR eller den som tømmer ansvar for skade på privat veg og plass inkludert plen/heller, osv., med mindre det kan påvisast skjodesløyse. Slamanlegget vert tømd sjølv om krav til vegstandard ikkje er tilfredstillande. Dette kan medføre ein ekstra kostnad for abonnenten.

§6 (tømefrekvens)

Varsel om tøming vil vert gitt skriftleg og i rimelig tid. I framtida kan dette skje elektronisk, men ein vil då kunne reservere seg mot dette og fortsatt få det skriftleg.

Tømefrekvensen for slamanlegg skal være i henhold til gjeldande forskrift.

Slamavskiljarar skal tømast minst:

- kvart 2. år dersom det gjeld fast busetnad.
- kvart 4. år dersom dersom det gjeld fritidsbustad.

Tette tanker skal i utgangspunktet tømast minst ein gong pr. år, dersom ikkje andre tilhøve tilseier ein annan tømefrekvens ut i frå SSR eller kommunen sine vurderingar.

Øvrige slamanlegg, kommunale eller private fellesanlegg skal tømast i samsvar med belastning / storleik eller når SSR eller kommunen vurderer at tøming må utførast.

§7 (plikter og rettar til kommunen, SSR og entreprenøren som utfører tøminga)

Kommunen kan gi pålegg om type og plassering av slamanlegg. Kommunen kan også pålegge eigarar av eldre slamanlegg å gjennomføre tiltak for å oppfylle krava i denne forskrifta.

Den som utfører tøminga har rett til å plassere nødvendig utstyr på eigedomen for å få utført tøminga.

Arbeidet skal imidlertid utførast slik at ikkje unødig skade på veg eller eigedom oppstår. Eventuelle krav om erstatning for skader eller ulemper med tøminga må rettast direkte til entreprenør.

Slamanlegget, grinder og porter skal etter tøming forlatast forsvarleg og lukka.

Ordinær tøming og transport skal utførast innafor tidsrommet kl. 0600-2300 mandag til fredag unntatt høgtidsdager. Unntaksvis kan tøming skje på laurdager innafor tidsrommet kl. 0600-1800.

Når tøming er utført skal abonnenten få overlevert ei erklæring i postkasse eller festa til inngangsdøra om at tøming er utført. Dette kan i framtida også bli elektronisk.

Entreprenør skal sjekke feil og mangler på slamavskiljarane og rapportere dette til SSR. SSR plikter å informere abonnenten og kommunen om feil og mangler som må rettast opp i. Kommunen kan gi abonnenten pålegg om utbetring. Volum og mengde i større, tette tankar skal dokumenterast og rapporterast av entreprenør til SSR. SSR rapporterer dette vidare til kommunen.

§8 (abonnentens plikter)

- Abonnenten skal sørge for at anlegg som skal tømast er lett til tilgjengeleg for tøming.
- Løkk skal være køyresikre når dei kan verte utsatt for overkøyning.
- Snø, is, jord osv. over kumløkk o.l. må fjernast av abonnenten før tøming blir utført. Dersom ikkje dette er gjort må anlegget tømast utanfor tømmeplan. Abonnenten vil då få eit tilleggsgebyr. Abonnenten kan ikkje påleggast å tine opp grunnen for at slamtøminga skal kunne gjennomførast. Slamtøminga vil i slike tilfelle verte utført på oppsamlingsrunder utan ekstra kostnad for abonnenten.
- Kumlok må merkast med pinne/stikk for at det skal være lett å finne.

Nekting av tøming / fullstendig tøming av slamanlegget og nekting av tilbakeføring av rejevatn til slamavskiljarar vil medføre tilleggsgebyr.

Del 3. Avsluttande reglar og gebyr

§9 (gebyr angående slam)

Alle eigarar og brukarar av slamavskiljarar / oppsamlingstankar / fellestankar som ordninga omfattar, skal betale årleg gebyr for tøming til SSR. Kommunestyra fastset storleiken på gebyret etter innstilling frå SSR.

§10 (innkreving, renter m.v.)

Gebyr for slamtøming med renter og kostnader er sikra med lovbestemt pant etter pantelovas § 6-1. Renteplikt ved for sein betaling og inndrivning av gebyret er regulert i lov av 6. juni 1975 nr. 29 om eigedomsskatt til kommunane §§ 26 og 27 tilsvarande.

§ 11 (fritak)

Etter skriftleg søknad sendt til SSR kan fritak vurderast i følgjande tilfelle:

- Heilårsbustad ubebodd i over eitt år.
- Eigedom som står til forfall og er ubeboeleg. Eigenerklæring må sendast til SSR.

§ 12 (klage)

Klager i forbindelse med slamordninga blir behandla av SSR sin administrasjon. Formannskapa i gjeldande kommune er ankeinstans.

§ 13 (brot på denne forskrifta)

Brot på denne forskrifta kan straffast med bot etter forureiningslova.

§ 14 (ikraftsetting)

Forskrifta tek til å gjelde 1. januar 2017.